

Ilisimatusarfik pillugu Inatsisartut inatsisaat

Kapitali 1

Aalajangersakkat nalinginnaasut

§ 1. Ilisimatusarfip suliassarai Ilisimatusarfimmi ilinniagassat iluanni ilisimatuutut misissuinissaq aamma ilisimatusarnermik tunngavilimmik ilinniartitsinissaq nunani tamani annerpaamik angusassaq tikillugu. Ilisimatusarfip qulakkiissavaa ilisimatusarnerup, inerisaanerup aamma ilinniartitaanerup naligillutik suleqatigiinnissaat, kiisalu ilisimatusarnermi aamma ilinniartitaanermi ilinniagassanik ingerlatassaminik ingerlaavartumik inerisaanissaq aamma siaruarterinissaq ilisimasanillu ilisimatusarnermi suleriaatsinik paasisanillu paarlaasseqatigiin-nissaq.

Imm. 2. Ilisimatusarfik ilisimatusarnermi aamma ilisimatusarnerup iluani suleriaaseqarnissa-mik kiffaanngissuseqarpoq, tamannalu attattuarniartariaqarpoq. Isumalluutit pisariaqartut pi-gineqarpata Naalakkersuisut Ilisimatusarfik tusarniaavigeriarlugu immikkut ilisimatusagassa-nik, qulaajagassanik aamma ilinniartitsissutissanik suliassissinnaavaat.

Imm. 3. Ilisimatusarfip inuaqatigiit avatangiisigineqartut suleqatigissavai aamma nunat akornanni suleqatigiinnermik inerisaaqataassaaq. Ilisimatusarfip ilisimatusarnikkut aamma ilinniartitaanikkut angusamigut Kalaallit Nunaanni nunanilu issittuni ineriertorneq siuarsaqataaffigissavaa. Ilisimatusarfip qitiusumik ilisimasassaqarfittut aamma kultureqarfittut suliffe-qarfiunermigut ilisimasatigut piginnaasatigullu inuaqatigiillu paarlaasseqatigiinnissaq aamma sulisuni inuaqatigiinni oqallinnerni peqataaqqullugit kajumissaartassavai.

Kapitali 2

Ilinniartitaanerit

§ 2. Ilisimatusarfip ilinniarnerit ilisimatusarnermik tunngaveqartut immikkoorlutik ingerlanneqartut tamakkiisumillu naammassineqarsinnaasut uku neqeroorutigisinnaavai:

1) Ilinniarnerit qaffasinnerusut akunnattumik sivisussusillit:

- a) Bacheloritut ilinniarneq 180 ECTS pointinik naleqartoq
- b) Atorfinitutaasinjaamik bacheloritut ilinniarneq 180 aamma 240 ECTS pointit akornannik naleqartoq
- c) Diplomimik allagartartaarluni ilinniarneq 60 ECTS pointinik naleqartoq

2) Ilinniarnerit ingerlaqqifflusut:

- a) Kandidatitut ilinniarneq 120 ECTS pointinik naleqartoq
- b) Masteritut ilinniarneq 60 aamma 90 ECTS pointit akornannik naleqartoq

3) Ilisimatuutut ilinniarnerit:

- a) Ph.d-tut ilinniarneq 180 ECTS pointinik naleqartoq

Imm. 2. Naalakkersuisut immikkut pequtissaqartillugu imm. 1-im ECTS pointit taaneqartut saneqqunneqarnissaat akuersissutigisinnaavaat.

§ 3. Bacheloritut ilinniarneq, atorfinissutaasinnaasumik bacheloritut ilinniarneq, kandidati-tut ilinniarneq aamma Ph.d-tut ilinniarneq piffissaq tamaat ilinniarnerut neqeroorutigineqas-sapput. Diplomimik allagartartaarluni ilinniarnerit aamma masteritut ilinniarnerit piffissaq kit-taarlugu ilinniarnerut ilisimatusarnermik tunngavilimmik ilinniarnerut neqeroorutigineqas-sapput.

Imm. 2. Ilisimatusarfiup ilinniartitaanerit piffissaq tamaat ingerlasut kittaarlugit ilinniarnerut neqeroorutigisinnaavai.

Imm. 3. Ilisimatusarfiup ilinniagassat ataasiakkaat aamma pikkorissaanerit ilinniagassanut attuumassuteqartut § 2, imm. 1, nr. 1 aamma 2-mi taaneqartut neqeroorutigisinnaavai.

Imm. 4. Ilinniarnerit sivissussui, imarisaat, ilinniagassat qaffasissusaat aaqqissuussaanerallu ilusilerneqassapput nunagisami aamma nunat tamat akornanni ilinniarnernut neqeroorutigineqartunut naapertuttungortillugit, tamatumuuakkut angusimasanik ilinniarnermut allamut nuussineq, ilinniartunik paarlasseqatigiinneq aamma nunat tamat akornanni akuerisaaneq angusinnaanngorlugu.

§ 4. Naalakkersuisut Ilisimatusarfik tusarniaavigeriorarlugu ilinniarnerit ilinniagassat nutaat iluanittut akuerisassavaat.

Imm. 2. Naalakkersuisut ilinniarnerit neqeroorutigineqartussat killilersinnaavaat ilinniarnerit arlaat Ilisimatusarfimmit neqeroorutigineqarnissa pisariaqarunnaarpat, imaluunniit ilinniarnerit arlaat ilisimatusarnermik tunngaveqarluni ilinniarnerit pitsaassusissaannut piumasaritinneqartut naammassisinnaajunnaarpagit.

Imm. 3. Naalakkersuisut ilinniarnerut iserniarlutik qinnuteqarsimasut akuerineqarsinnaasut killilersinnaavaat.

Imm. 4. Naalakkersuisut immikkut ittumik pisoqartillugu ilinniarneq ataaseq arlallilluunniit naliliiffigisinnaavaat.

§ 5. Ilisimatusarfik ilinniagassat sammititami iluanni diplomgradimik, bachelorgradimik, mastergradimik, kandidatgradimik aamma ph.d-gradimik tunniussisinnaavoq.

Imm. 2. Naalakkersuisut Ilisimatusarfiup inassuteqareerneratigut akuerisinnaavaat, gradit imm. 1-im taaneqartut universiteti alla peqtigalugu tunniunneqarnissaat, ilinniarnerup ilaa tassani pisimappat.

Imm. 3. Ilisimatusarfik ph.d.-graditut ataqqinaammik doktorinngortitsisinnaavoq.

§ 6. Ilinniarnerup ilaanut ilinniarnermuunniit tunngasumik ilisimatusarnermut Ilisimatusarfik universitetinik ilinniarfinnillu allanik ilinniarnernik assingusunik neqerooruteqartunik isumaqatigiissuteqarsinnaavoq.

§ 7. Naalakkersuisut Ilisimatusarfik tusarniaavigeqqaarlugu ilinniarnerut malittarisassiussapput tamatumunnga ilanngullugit soraarummeernerit, soraarummeernermi nalileeqataasарneq, naammagittaalliornerit aamma pitsaassusermik inerisaaneq kiisalu ilinniarnerut akuerineqarneq.

Imm. 2. Imm. 1 naapertorlugu malittarisassat suliarineqartut sinaakkusiussasa iluanni Ilisimatusarfiup ilinniagassanik aaqqissuussinerit suliarisassavai nalunaorsorlugit ilinniarnerit imarisaat aamma aaqqissugaanerat.

§ 8. Ilisimatusarfiup ilinniartut ilinniarnerup nalaani neqeroorfigissavai ilinniarneq pillugu siunnersuinermik, Kalaallit Nunaata avataani ilinniarnerup ilanik nangitsigallarsinnaanermik aamma ilinniagaqareernermeri suliffiusinnaasunik.

Siulersuisut

§ 9. Siulersuisut tassaapput Ilisimatusarfimmi qullersaallutik oqartussaasut. Ilisimatusarnermi aamma ilinniartitaanermi Ilisimatusarfiup soqtigisai isumagissavaat aamma Ilisimatusarfiup ineriertorneranut aaqqissuussaaneranullu najoqqutassiussallutik.

Imm. 2. Siulersuisut Naalakkersuisunut Ilisimatusarfiup ingerlatsinera pillugu akisussaapput, tassunga ilanngullugu aningaasaqarnikkut ingerlatsineq. Siulersuisut rektorip innersuussuteqarneratigut missingersuusiat akuerisassavaat, tamatumunnga ilanngullugit aningaasat agguataarnissaat aamma atorneqarnissaannut tunngavissat. Siulersuisut naatsorsuutit atsiortassavaat.

Imm. 3. Siulersuisut Ilisimatusarfiup malittarisassai suliarissavaat taakkulu allannguutissaat.

Ilisimatusarfiup malittarisassai allannguutissaallu Naalakkersuisunit akuerineqassapput.

Imm. 4. Siulersuisut rektorimik atorfinitssisarlutillu soraarsitsisassapput. Rektorip innersuussineratigut rektorip tullersortaaniq aamma universitetip pisortaaniq atorfinitssisassapput aamma soraarsitsisassapput.

Imm. 5. Siulersuisut angusaqarnissaq pillugu Naalakkersuisunut isumaqatigiissuteqarsinnaatitaapput.

Imm. 6. Siulersuisut Ilisimatusarfimmi atorfilittanut allanut, takuuq imm. 4 imaluunniit ilinniartunut akulerussinnaatitaanngillat.

Imm. 7. Naalakkersuisut siulersuisut tunuaqqusinnaavaat, siulersuisut inatsisinik unioqqutitsinernik iluarseeqqusinerit maleruanngippatigit, taamaallilunilu siulersuisunik nutaanik ivertitsisoqarsinnaalissalluni.

§ 10. Siulersuisunut ilaasortat ataatsimoorlutik Ilisimatusarfiup ineriertornissaanut siuarsanermi peqataassapput Kalaallit Nunaanni nunanilu issittuni misilittagaqarnertik aqtsinermut, ilisimatusarnermut ilinniartitaanermullu kiisalu ilisimasanik ingerlatitseqqinnermut paarlaasseqatigiinnermullu ilisimasaqarnertik iluaqtigalugu.

Imm. 2. Siulersuisut sulinerat sapinngisamik annertunerpaamik ammasuussaaq.

§ 11. Siulersuisut 11-nik ilaasortaqaarput, imatut inuttalerneqarlutik:

1) avataanit ilaasortat 6.

2) ilaasortat 2 Ilisimatusarfiup ilisimatuuinut aamma ilinniartitsisuinut sinniisuuusut, tamatumunnga ilanngullugit Ph.d-mik ilinniartut. Ilaasortap aappaa atorfinitssutaasinnaasumik bachelorissanik ilinniarerit aallartitarissavaat.

3) ilaasortaq 1 allaffimmi illumilu atorfeqvissut aallartitarissavaat.

4) ilaasortat 2 ilinniartut aallartitarissavaat. Ilaasortap aappaa atorfinitssutaasinnaasumik bachelorissanik ilinniarerit aallartitarissavaat.

Imm. 2. Naalakkersuisut toqqartassavaat avataanit ilaasortat Ilisimatusarfiup pituttuisuunngitsumik innersuussuteqarneratigut. Ilaasortat toqqarneqartassapput inuttut pinginnaasaqarnerat tunngavigalugu ukiuni 4-ni ilaasortaasussanngortillugit. Toqqaanermi pingartinneqassapput suliamut inuttullu pisinnaasat aamma suliffinnik kiisalu ilisimatusarnikkut ilinniartitaanikkullu avatangiiserisanik inerisaanermik misilitakkat, ajornanngippat nunarsuarmut tamarmut sammisut.

Toqqagaaqqittoqarsinnaavoq.

Imm. 3. Imm. 1, nr. 2 – 4-mi ilaasortat taaneqartut toqqaannartumik qinersinikkut qinerseqatigiinnut 5-init ukunangna toqqarneqartassapput:

1) Qinersisussat 1. Ilisimatuut aamma bachelorinngornianik, kandidatinngornianik, masterinngornianik

Ph.d.-nngorianillu ilinniartitsisut.

2) Qinersisussat 2. Atorfniissutaasinnaasumik bacheloringornianik diplomitaarnianillu ilinniartitsinermi ilisimatuut ilinniartitsisullu.

3) Qinersisussat 3. Ilinniartut bacheloringorniat, kandidatinngorniat aamma Ph.d.-nngorniat.

4) Qinersisussat 4. Atorfniissutaasinnaasumik bacheloringorniarlutik ilinniartut.

5) Qinersisussat 5. Teknikkimut allaffisornermullu tunngasunik suliaqartut.

Imm. 4. Taamaallaat atorfillit piffissaq tamaat ukiup affaata nalinganik qaangerluguluunniit suliaqartut piffissarlu tamaat ilinniartut qinigaasinjaatitaapput taasisinjaatitaallutillu.

Imm. 5. Imm. 1, nr. 2 aamma 3-mi aallartitat taaneqartut sulisut sinnisuinut malittarisassat malillugit illorsorneqassapput.

Imm. 6. Siulersuisut siulittaasussaminnik avataanit ilaasortat akornannit toqqaassapput. Siulersuisunut ilaasortaq ataaseq taasinermik ataatsimik naleqassaaq. Amerlaqatigiinnik taasisoqartillugu siulittaasup taasinera aalajangiisuuussaaq.

Imm. 7. Siulersuisunik pilersitsineq taakkulu sulinermi malittarisassat Ilisimatusarfip malittarisassaani aalajangersorneqassapput.

Rektoreqarfik

§ 12. Ilisimatusarfip ulluinnarni aqunneqarnera rektorimit isumagineqassaaq siulersuisut sinaakkusiusaat naapertorlugin. Ilisimatusarfip pisortaasa allat rektorip tunaartarisassaliaa naapertorlugu suliassatik isumagissavaat.

Imm. 2. Rektori rektorip tullersortaaniq taperserneqassaaq, taannalu rektorimit paarlattaasassaaq. Rektori aamma rektorip tullersortaa tassaapput Ilisimatusarfip rektoreqarfia.

Imm. 3. Rektori aamma rektorip tullersortaa minnerpaamik kandidatitut ilinniarsimasuussapput Ilisimatusarfip ilinniagassatut sammisaasa arlaanni aamma Kalaallit Nunaanni pissutsinik ilisimasaqassapput ilinniartitaanermullu pissutsinik paasisimasaqassallutik. Aammattaaq rektori ilisimatusarnermik ilinniatitaanermillu sammisaqarfinnik aqutsinermik inerisaanermillu misilittagaqassaaq.

§ 13. Rektori Ilisimatusarfip sinniseraa suliassanilu tamani aalajangiisuuussassaaq piginnaatitaaffik siulersuisunut, ilinniagartuut siunnersisoqatigiiianut, institutimi pisortanut imaluunniit institutip siunnersisoqatigiiinut piginnaatitaaneq inissinneqarsimannngikkaangat, tak. §§ 9 aamma 10, § 14, imm. 1, nr. 4 aamma 5, § 18 aamma § 19, imm. 3.

Imm. 2. Rektorip qullersaallutik pisortaasut allat atorfniitsinneqarnissaat soraarsinneqarnissaallu siulersuisunut inassuteqaatigisassavaa, takuuq § 9, imm. 4.

Imm. 3. Rektorip atorfniitsittassavai soraarsittassallugillu institutini aqutsisut, aamma immikkoortortaqarfinni aqutsisut.

Imm. 4. Rektori aningaasartutissat missingersuutaannut naatsorsuutinullu siulersuisunut innersuusiortassaaq, naatsorsuutillu atsiortassallugit.

Imm. 5. Unioqqutisoqarsimatillugu ilinniartunut iliuusissanik rektori aalajangersuisassaaq, tamatumunnga ilanngullugu qanoq ilisukkut ilinniarnermit anisitsisoqartassasoq.

Imm. 6. Rektorip avataaniittunut isumaqatigiissutit Ilisimatusarfimmik pisussaaffiliisut tamaasa akuerisassavai.

Imm. 7. Rektorip immikkut ittumik pisoqartillugu ilinniagartuut siunnersuisoqatigiiffiat atorunnaarsissinnaavaa namminerlu suliassai tigullugit.

Ilinniagartuut siunnersuisoqatigiiffiat

§ 14. Ilinniagartuut siunnersuisoqatigiiffianik pilersitsisoqassaaq ukuninnga isumaginnittussanik:

- 1) Aningaasaliissutit agguataarnerat pillugu rektorimut oqaaseqartarlutik.
- 2) Pingaarutilinnik ilisimatusarnermi ilinniartitaanermilu kiisalu ilisimasanik paarlasseqatigiittarnermi pilersaarutit pillugit rektorimut oqaaseqartarlutik.
- 3) Ilinniagassanik aaqqissuussinernut missingersuutit aamma ilinniakkani misileraalluni aaqqissuussinerit pillugit rektorimut oqaaseqartarlutik.
- 4) Ilinniagassanut paasisimasalinnik ataatsimiititaliorneq atorfite ilisimatusarnermik ingerlatsiffiusut inuttalernissaannut tunngatillugu ilisimatusarnermi sulianik naliliisussanik aamma ph.d.-gradimik tunniussinissaq pillugu naliliisartussanik.
- 5) Ph.d.-gradimik tunniussinissaq.

Imm. 2. Ilinniagartuut siunnersuisoqatigiiffiat ilisimatusaatinut tunngasunut tamanut, Ilisimatusarfup aaqqissuussaaneranut suliaanullu pingaaruteqartunut oqaaseqarsinnaatitaapput aamma pisussaaffigaat ilisimatusaatinut tunngasut rektorimit saqqummiunneqartut oqaluuserissallugit.

Imm. 3. Taasinermi naligitoqartillugu siulittaasup taasinera aalajangiisuussaaq.

§ 15. Ilinniagartuut siunnersuisoqatigiiffiat imatut inuttalersorneqassaaq:

- 1) Rektori, pinngitsoorani siulittaasuussaaq.
- 2) Rektorip tullersortaa.
- 3) Ilaasortat marluk institutini aqutsisut sinniisigissavaat, takuuk § 18, imm. 3. Ilaasortap aappa atorfinissutaasinnaasumik bachelorissanik ilinniarnerit aallartitarissavaat.
- 4) Ilaasortat marluk Ilisimatusarfimmil ilisimatuut aamma ilinniartitsisut aallartitarissavaat, ph.d.-mik ilinniartut ilanggullugit. Ilaasortap aappa atorfinissutaasinnaasumik bachelorissanik ilinniarnerit aallartitarissavaat.
- 5) Ilaasortat marluk ilinniartut aallartitarissavaat. Ilaasortap aappa atorfinissutaasinnaasumik bachelorissanik ilinniarnerit aallartitarissavaat.
- 6) Ilaasortaq ataaseq allaffimmi illumilu atorfekavissut aallartitarissavaat malinnaasutut.

Imm. 2. Imm. 1 nr. 4 - 6-im i laasortat taaneqartut malittarisassat § 11, imm. 3 aamma 4-mi taaneqartut naapertorlugit qinerneqartassapput

§ 16. Suliassani § 14, imm. 1, nr. 4-mi taaneqartuni, ph.d.-gradimik tunniussinermi suliassani kiisalu suliassani ilisimatusarnerinnarmut tunngasuni ilaasortat ilisimatusarnermik ingerlataqartut kisimik taasisinnaatitaapput.

Imm. 2. Ilinniagartuut siunnersuisoqatigiiffiat pillugu malittarisassat ersarinnerusut, tassunga ilaallutik qinersinermut piffissamullu qinigaaffimmut tunngasut, Ilisimatusarfup malittarisassaasigut aalajangersarneqassapput.

Institutit

§ 17. Ilisimatusarfimmil ilisimatusarnerit aamma ilisimatusarneq tunngavigalugu ilinniarnerit institutini ingerlanneqartassapput.

Imm. 2. Institutit sapinngisamik bachelorimut kandidatimullu ilinniarnerit atorfinissutaasinnaasumillu

bachelorinngorniarnerit aamma ilinniagassat imarisamikkut ilisimatusarnermikkullu ataqtigiissuteqartut ataaatsimoortittassavaat.

Imm. 3. Ilanniagaq institutip avataani inissinneqarsinnaavoq, institutit arlaannaataluunniit ilisimatusarneq ilinniakkamut tunngaviusoq ingerlatinngippagu. Taama pisoqartillugu universitetimik allamik ilisimatusarnissaq ilinniakkallu akuerineqarnissaa pillugit isumaqatigiissuteqartoqartassaaq tak. § 6.

§ 18. Instituti aqunneqassaaq institutimi aqutsisumit. Institutimi aqutsisoq aqutsisuujutigaluni immikkoortortami pisortaasinnaavoq, tak. § 24.

Imm. 2. Institutimi aqutsisup institutimi atorfeqartut allat atorfinitillugillu soraarsittassavai, immikkoortortami pisortaq kisiat pinnagu, tak. § 13, imm. 3.

Imm. 3. Institutimi aqutsisoq immikkoortortamilu pisortat institutimi aqutsisoqarfussapput.

Aqutsisoqarfup isumagissavaa, institutimi siunnersuisoqatigiit innersuussineratigut siunnerfit rektorimit akuerineqartut aallaavigalugit, institutip ulluinnarni aqunneqarnera, tamatumunnga ilanngullugit pilersaarusruneq aamma suliassanik agguassineq.

Imm. 4. Institutimi aqutsisoqarfup suleqataasut peqqusinnaavai suliassanik aalajangersimasunik isumaginnittussanngorlugit ilisimatusarnermi periutsinik kiffaanngissuseqarneq ataqqillugu.

§ 19. Institutimi aqutsisoq aqutsisuffissaminut naapertuuttumik ilinniagartuuujussaaq, ilinniagassami ilinniarsimasamini, ilinniartitsinermillu misilittagaqassalluni.

§ 20. Institutini tamani institutimi siunnersuisoqatigiit pilersinneqartassapput.

Imm. 2. Institutimi siunnersuisoqatigiit ilisimatusarnermut ilisimatusarnermillu tunngaveqarluni ilinniarnernut tamanut siunnerfit oqaluuserisassavaat institutimi aqutsisoqarfik rektorimut ilinniagartuut siunnersuisoqatigiiffianullu innersuussuteqartinnagu.

Imm. 3. Institutimi siunnersuisoqatigiit tamanut siunnerfit immikkoortortanilu aqutsisut innersuussuteqarnerisigut akuerisassavaat:

1) Ilinniarnissamut akuerineqarneq.

2) Angusanik nuussineq.

3) Ilinniagartuutut gradinik tunniussineq ph.d.-gradi kisiat pinnagu.

4) Pitsangorsaanermut pitsaassutsimillu siuarsaanermut siunnersuisartoqatigiinnik pilersitsineq, tak. § 25.

Imm. 4. Institutimi siunnersuisoqatigiit rektorimut ilinniagartuullu siunnersuisoqatigiivinut innersuussuteqarfigisassavaat:

1) Institutimi ilinniarnernut ilinniagassanik aaqqissuussinerit.

2) Ilinniarnermi misileraanissat.

3) Ilinniagassanut paasisimasalinnik ataaatsimiititamik pilersitsineq, ilisimatusarnermi sulianik naliiliussananik ilisimatusarnikkut atorfennik inuttaliinissaq aamma ph.d.-gradimik tunniussinissaq siunertaralugu.

4) Institutip aningaasartutissaanut missingersuutai.

5) Immikkoortunik taakkulu akisussaaffiinik aaqqissuussineq.

Imm. 5. Institutimi siunnersuisoqatigiit oqaaseqarsinnaatitaapput sulianut tamanut institutip aaqqissuussaaneranut sulineranullu tunngassuteqartunut aamma pisussaaffigaat oqaluuserissallugit pissutsit rektorip aamma institutit pisortaasa saqqummiussaat.

Imm. 6. Institutimi siunnersuisoqatigiit aalajangiineri amerlanerussuteqarnikkut aalajangiiffingeqartassapput. Suliani ilisimatusarnermut tunngassuteqartuni malittarisassatigut

imaluunniit siunnersuisoqatigiit ulluinnarni aqutsinermut maleruagassaasigut aalajangiisoqarsinnaavoq ilaasortat ilisimatuujusut kisimik taasisinnaatitaasut.

§ 21. Institutimi siunnersuisoqatigiit imatut inuttalerneqassapput:

- 1) Institutimi aqutsisoq siulittaasuussaaq.
- 2) Immikkoortortaqarfinni pisortat.
- 3) Ilaasortat 2 - 3 institutimi ilisimatuut aamma ilinniartitsisut aallartitarissavaat, ph.d-mik ilinniartut ilanngullugit. Ilaasortat 2 ilisimatuutut tunuliaquataqassapput. Instituti atorfinissutaasinnaasumik bachelorissanik ilinniartitsisarpat, ilaasortat ilaat ataaseq taakkua aallartitarissavaat.
- 4) Instituti allaffimmi illumilu atorfeqavissunik sulisoqarpat taakkua annerpaamik 2-nik aallartitaqassapput.
- 5) Ilinniartoq ataaseq institutimi ilinniarnerniit piffissaq tamaat ingerlanneqartunit, minnerpaamilli ilinniartut marluussapput.

§ 22. § 21, imm. 1, nr. 3 – 5-imi ilaasortat taaneqartut toqqaannartumik taasinikkut qinerneqassapput institutimi atorfekartunit aamma ilinniartunit.

Imm. 2. Ukiup affaanik sivisunermilluunniit atorfekartitat aammalu ilinniartut piffissaq tamaat ilinniartut kisimik qinerneqarsinnaatitaallutiltu taasisinnaatitaapput.

Imm. 3. Qinernermik pilersaarusrornermi ingerlatsinermilu malittarisassat Ilisimatusarfimmi malittarisassanut ilangunneqassapput.

Immikkoortortat

§ 23. Instituti ataaseq immikkoortortanut arlalinnut aggorneqarsinnaavoq.

Imm. 2. Immikkoortortaq ataaseq ilinniarnernik ilisimatusarnermik tunngavilimmik ataatsimik arlalinnilluunniit katitigaasinnaavoq aamma/imaluunniit ilisimatusarnermik ingerlatitseqqinnermilluunniit immikkut ilinniarneraqanngitsumik ataatsimik arlalinnilluunniit katitigaasinnaalluni.

§ 24. Immikkoortortaq ulluinnarni immikkoortortami pisortamit aqunneqassaaq.

Imm. 2. Immikkoortortami pisortap suliassai tassaapput innersuussinissaq aamma siunnersuuteqarnissaq institutimi aqutsisunut institutimilu siunnersuisoqatigiinnut ukunatigut:

- 1) Ilanniagassanik aaqqissuussinernik siunnersuusiornerit.
- 2) Ilinniartitsinissanik soraarummeernissanillu pilersaarusrornerit.
- 3) Ilisimatusarnermi ingerlatitseqqinnermillu pilersaarusrornerit.
- 4) Immikkoortortap aaqqissugaaneranut siunnersuusiorneq, tamatumani ilinniarnernut aqutsisunik ilinniartunullu siunnersortinik toqqaaneq.
- 5) Institutip pitsangorsaanermut pitsaassusermillu siuarsaanermut siunnersuisoqatigiinnut ilaasortassaanik toqqaanissami siunnersuusiorneq.

Imm. 3. Immikkoortortami aqutsisoq institutip aqutsisuinut institutillu siunnersuisoqatigiivinut immikkoortortap suliaanut pingaaruteqartunut aamma atorfinititsinerni soraarsitsinernilu inassuteqartassaaq aammalu suliani tamani immikkoortortaqarfimmut pingaaruteqartuni tusarniarneqartassalluni.

Pitsangorsaanermi pitsaassusermillu siuarsaanermut siunnersuisoqatigiit

§ 25. Institutimi siunnersuisoqatigiit pitsangorsaanermi pitsaassutsimillu siuarsaanermi siunnersuisoqatigiinnik pilersitsissapput. Taakkua siulersuisunut, rektoreqarfimmut, ilinniagartuut

siunnersuisoqatigiiffiannut, institutimi aqutsisunut immikkoortortaqarfinnilu pisortanut isumassarsiorfissatut siunnersortitullu inisisimassapput.

Imm. 2. Pitsangorsaanermi pitsaassusermillu siuarsaanermut siunnersuisoqatigiit ingerlaavartumik nalilersortassavaat makkunatigut iluaqutaasinnaasut:

- 1) Ilisimatusarneq ilisimatusarnermillu tunngaveqarluni institutimi ilinniarnerup pitsangorsarnera.
- 2) Institutip inisisimanera aammalununat tamat ilisimatusarneranni ilinniartitsinerannilu peqataanerata pitsangorsarnera, kiisalu institutip taamatut suleqatigiinnermi pilerinartunngorsarnera.
- 3) Institutip ilisimatusarnermi ilinniarnermilu inisisimanerata pitsangorsarnera, Ilisimatusarfiup siunertaanik siuarsaanissaq anguniarlugu.

Imm. 3. Pitsangorsaanermi pitsaassutsimillu siuarsaanermut siunnersuisoqatigiit institutip siunnersuisoqatigiivi paaseqatigalugit ataatsimiitalianik immikkut ilisimasalinnik ilinniagassap aalajangersimasup iluani imaluunniit aalajangersimasup ilinniarnerup iluani pilersitsisinnaapput. Ataatsimiitaliani taamaattuni ilaasortat pitsangorsaanermi pitsaassutsimillu siuarsaanermut siunnersuisoqatigiinni ilaasortaasariaqanngillat.

§ 26. Pitsangorsaanermi pitsaassutsimillu siuarsaanermut siunnersuisoqatigiit avataaneersunik paasisimasalinnik inuttaqassaaq ukiuni sisamani sulisussanik ukuussallutilu:

- 1) Ilaasortat 1 - 3-nik amerlassuseqartut rektorimit toqqarneqartassapput.
- 2) Ilaasortat 1 - 3-nik amerlassuseqartut institutimi siunnersuisoqatigiinnit toqqarneqartassapput.
- 3) Ilaasortaq ataaseq institutimi ilinniartunit innersuussutigineqarluni toqqarneqartassaaq.

Imm. 2. Pitsangorsaanermi pitsaassusermillu siuarsaanermut siunnersuisoqatigiinni ataasiakkaani ilaasortat ataatsimoorlutik imatut piginnaaneqassapput § 25, imm. 2-mi taaneqartut naammassisinnaanngorlugit.

Imm. 3. Pitsangorsaanermi pitsaassusermillu siuarsaanermut siunnersuisoqatigiinnik pilersitsinermi malittarisassat Ilisimatusarfiup malittarisassaani sukumiinerusumik aalajangersorneqassapput.

Kapitali 4

Aningasaqarneq aamma allaffissorneq

Aningasaqarnermut tunngasut

§ 27. Ilisimatusarfimmuit ukiumoortumik aningasaaliissutit suliassanut inatsitigoortunut isumaqatigiissutitigullu aalajangikkanut atugassat inatsisartut aningasanut inatsisaatigut aalajangersorneqartassapput.

Imm. 2. Ilisimatusarfik landskarsip avataatigut tapiissutinik, kingornussassianik tunissutinillu tigusisinnaavoq. Taamaattut pissarsiat aningasasat inatsisaannit pissarsiarineqartunit immikkoortinnejqassapput.

Imm. 3. Ilisimatusarfik akiliisitsinikkut isertitanik aamma tapiiffigineqarnikkut isertitaqarsinnaavoq.

Imm. 4. Ilisimatusarfiup nammineerluni tapiissutit isertitallu allat agguataartassavai. Ilisimatusarfiup aningasaartuutissanut tunngaviusut eqqortittassavai isumagisassallu suliakkiunneqartut naammassisassallugit.

§ 28. Ilisimatusarfiup Namminersornerullutik Oqartussat missingersuutit, naatsorsuuserineq naatsorsuutinillu saqqummiineq pillugit malittarisassai qaqugukkulluunniit atuuttut maleruassavai.

Imm. 2. Aningasanut inatsisikkut aningasaaliussat naatsorsuutini immikkut naatsorsuusiorneqassapput.

Imm. 3. Ukiumoortumik naatsorsuutit Namminersornerullutik Oqartussat kukkunersiusuinit kukkunersiorneqassapput.

Imm. 4. Siulersuisut ukiut tamaasa martsip naannginnerani ukiumoortumik nalunaarusiaq ukiumoortumik naatsorsuutinik kukkunersiusunillu oqaaseqaatinik imalik Naalakkersuisunut nassiuttassavaa.

Naalakkersuisut ukiumoortumik nalunaarusiaq akuerereerlugu Inatsisartunut ilisimatitsissutitut nassiuttassavaat.

Allaffissorneq

§ 29. Ilisimatusarfiup allaffeqarfia Ilisimatusarfiup pisortaanik aqunneqassaaq rektorip ataani inissimasumik.

Imm. 2. Ilisimatusarfiup Ilimmarfiup ingerlarrera allaffissorneralu isumagissavai, isumaqtigisiisseqareernikkullu Ilimmarfimmil suliffeqarfait allat allaffissornikkut suliassaat isumagisinnaallugit.

Kapitali 5

Aalajangersakkat allat

§ 30. Ilisimatusarfiup maalaarutinik aalajangiineri ilinniartut piginnaatitaanerinut tunngasut Naalakkersuisunut ingerlateqqinneqarsinnaapput.

Imm. 2. Maalaarsinnaatitaanermut killigitinneqarpoq aalajangikkap maalaaruteqartumut nalunaarutigineqarneraniit sap. ak. 4.

Imm. 3. Naalakkersuisut maalaarsinnaatitaanermut aamma maalaarutit suliarineqartarnerannut malittarisassiuussapput.

Imm. 4. Ilisimatusarfiup maalaarutinik aalajangiineri ilinniartut piginnaatitaanerinut tunngassuteqanngitsut, tak. imm. 1, soraarummeernermi naliliinerit pillugit maalaarutit ilanngullugit allaffissornikkut oqartussanut qulliunerusunut ingerlateqqinneqarsinnaanngillat.

Kapitali 6

Atortuulersitsinissaq ilaallu ilanngullugit

§ 31. Inatsisartut inatsisaat atortuulissaq 1. januar 2008.

Imm. 2. Tamatumunnga peqatigittillugu inatsisartut inatsisaat, inatsisartut peqqussutaat kiisalu Namminersornerullutik Oqartussat nalunaarutaat makku atorunnaassapput:

1) Ilisimatusarfik pillugu Inatsisartut inatsisaat nr. 16, 31. oktober 1996-imeersoq.

2) Tusagassiorunngorniat ilinniartitaanerat pillugu Inatsisartut peqqussutaat nr. 6, 30. oktober 1995-imeersoq

3) Meeqqat atuarfianni ilinniartitsisussanik ilinniartitsineq pillugu Inatsisartut peqqussutaat nr. 2, 2. maj 1996-imeersoq.

4) Isumaginninnermi ilinniartitsineq pillugu Inatsisartut peqqussutaat nr. 10, 31. oktober 1996-imeersoq.

5) Peqqissaasutut ilinniartitaaneq pillugu Inatsisartut peqqussutaat nr. 7, 29. oktober 1999-imeersoq.

6) Namminersornerullutik Oqartussat nalunaarutaat nr. 7, 2. januar 1990-imeersoq Ilisimatusarfimmataatsimiittartunik qinersinissamut malittarisassanik, Ilisimatusarfiup rektorissaanik tullersortissaanillu qinersisarneq ilanngullugu.

Imm. 3. Inatsisartut inatsisaat aamma Inatsisartut peqqussutaat imm. 1-im i taaneqartut naapertorlugit

aalajangersakkat imaluunniit atuutitaasut allat, aalajangersakkani nutaanik taarserneqarnissamik imaluunniit atorunnaartinnejarnissamik tungaannut atuutissapput.

§ 32. Inatsisip atuuttuulernerata nalaani rektoritut aamma rektorip tullersortaatut toqqagaasimasut taamatut atorfeqarnitik tigummiinnassavaat, siulersuisunit rektoritut rektorillu tullersortaatut atorfinitssineqartut atorfimmenni sulilernissaasa tungaannut.

Imm. 2. Inatsisip atuuttuulernerata nalaani institutini pisortatut toqqagaasimasut taamatut atorfeqarnertik tigummiinnassavaat, institutini pisortassat rektorimit atorfinitssineqartussat atorfimmenni sulilernissaasa tungaannut.

Imm. 3. Inatsisip atuuttuulernerata nalaani universitetsrådimi studienævninilu ilaasortatut toqqagaasimasut taamatut inisisimaannassapput, siulersuisut institutinilu siunnersuisoqatigiit toqqarneqarnissaasa tungaannut.

Imm. 4. Suliffeqarfinni Ilisimatusarfimmut katigunneqartuni atorfeqartut maanna akissarsiatik atorfinitnermilu atugassarititaasut pigiinnassavaat.

§ 33. Siulersuisut aamma ilinniagartuut siunnersuisoqatigiiffiat pilersinneqareersimassapput 1. marts 2008.

Imm. 2. Siulersuisut atuutilernissaasa tungaannut siulersuisut suliassaat Universitetsrådimit isumagineqassapput. Taamaattoq Universitetsrådip aalajangigassat Ilisimatusarfimut ingerlatiinnarnissaanut pisariaqartut kisiisa aalajangiiffigisassavai. Suliffeqarfitt Ilisimatusarfimmumt katigunneqartut pisortaat Universitetsrådimi ilaasortatut ilaalissapput.

Imm. 3. Institutini siunnersuisoqatigiit atuutilernissaasa tungaannut suliassaat studienævninit isumagineqassapput. Taamaattoq studienævnip aalajangigassat institutip ingerlatiinnarnissaanut pisariaqartut kisiisa aalajangiiffigisassavai.

Imm. 4. Institutit nutaanik iluseqarlutik atuutilernissaasa tungaannut atorfinitssutaasinnaasumik bachelorinngorniarfitt aamma Inerisaaviup maannamut iluserisatik atuinnassavaat rektorimullu nalunaartarlutik

Namminersornerullutik Oqartussat, ulloq 19. november 2007

Hans Enoksen

/

Tommy Marø

Namminersorlutik Oqartussat

Imaneq 4

3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut